

機泰迎輝 宴月霞昇 玄照清春
景瑞綠瑤 交奉近師 宛樂大敷
勳封陳時 骨夜求親 却日隱侶
歌適昭樂 鼎珪赤容 飛屐取名
僊庭泊峯

北方八天

苟无猴余 號具疑浮 威曠安迎
冥居岫臺 涿澗尸枚 九真迷崖
阿都子他 平真海嘉 魯登丞丕
栢樹願陀 木罔魁漢 玄陰願華
斗華觀齒 明懸顯差 洞鎮希閱

天句衛羅

道言此諸天中辰魁三台元生之音靈芒結
文布鎮三十二天以施生定命化聲種民光
輝緝麗舍景玉霄天真皇人撰按其文以為
正音有知其音能齋而誦之者諸天皆遣飛
天神王下觀其身保胎護命上奏諸天萬神
朝禮地祇侍門大勳德王保舉上僊上真下
臨魁得遊行三界昇入金門此音无所不辟
无所不穰无所不度无所不成天真自然之

音也故誦之致飛天下觀上帝遙唱萬神朝
禮三界侍軒群杖東首鬼精自亡胎真洞映
三府肅清天蓋旋碧地極玄明嶽峙海澄日
月煥照靈音幽響群仙慶賓四氣宴寂道景
虛疑大量玄女也

元始无量度人上品妙經卷之四十三

正一天師清微弟子 洪百賢 作

靈寶无量度人上品妙經卷之四十四

洞神禳災品

道言昔於太極天中青華安保大真明土受
靈寶度人洞神禳災无量上品扶桑洞神大
道君當說是經周迴十過以召十方扶桑世
界一切真仙巨太極之東九十萬里碧海之
內中有大山根連洞冥金沙重疊貫軸下元
上出大无紫空神境西連太極南峙炎陵北
定幽門中通玄都而此世界十萬餘里神峯
巨嶺隱顯滄浪梵浮瑞光青霞之氣縹緲在
上青玉為城碧林為宮地盤紺華拱生扶桑
根蟠東極枝條相向青碧為光千葉之上自
然天文帝真赤書九氣鳳文以鎮十方諸天
日月下出陽機自運晝夜六時天漢波瀾雲
滂爭湧仙都人民十二品格百千種物太无
三氣化生號青宮扶桑世界元始天尊分神
萬天散形千億忽於此方命以扶桑之天青
華道境靈曹孕精擬生空洞之極號扶桑洞
神大道君外曰扶桑大帝出納太陽有綠像
泥真形為日月之精魂為南極長生大帝其

季次曰青華帝君扶桑育洞神之氣氣變九劫體貌完具東真道成爲洞神大道君扶桑洞神者九陽真精之氣也生於扶桑之內化爲劫火更爲明哲辯慧高聖之德德之至神爲大道之君道君執萬物之母以化生元胎含五行之精以鑪錘天地世之災變必由火殃火爲災本而道有扶桑洞神之祖以御其變扶桑青林之氣大則治鍊真文增益玄道小則禳災散禍福祐群生比之火然必緣於木木胎藏火火屬於神神養木中天災自息可禳之道故扶桑洞神大道君爲禳災之主也降於太極始當諸座扶桑其境道德大神上聖高尊青帝真人無鞅數衆乘空而來碧落飛雲青林鬱秀翹輪潛運洞蓋垂華蒼龍妙光迢迢无外流霞丹景混合渺茫七日七夜諸天昭臺日館星闕環繞一時停軌靈風遠溢海岱明雲天无異色九氣鬱清一國地土山川林木瓊篆繁芳青文龔起紫瓊振響合音空洞扶桑洞神大道君於玄靜之中爲諸生民解禳災厄玄坐空浮紫霄寶光玉座

之上說經一徧諸天大聖同時稱善是時一國男女災病普皆消散說經二徧太極天開萬真同會說經三徧仙都揚煙慶周三界說經四徧靈心內通究識妙體說經五徧龍鳴海空神波速決說經六徧三災不作萬物生榮說經七徧神輝同映層關光明說經八徧五篇雲篆紫籙成音說經九徧玉華飛空重鍊交煥說經十徧洞神垂照泉曲蒙恩是時一國是男是女莫不傾心皆受護度咸得長生

道言是時扶桑洞神大道君說經一徧東方无極无量品禳災解厄洞神至真大神无鞅之衆浮空而至說經二徧南方无極无量品禳災解厄洞神至真大神无鞅之衆浮空而至說經三徧西方无極无量品禳災解厄洞神至真大神无鞅之衆浮空而至說經四徧北方无極无量品禳災解厄洞神至真大神无鞅之衆浮空而至說經五徧東北无極无量品禳災解厄洞神至真大神无鞅之衆浮空而至說經六徧東南无極无量品禳災解

厄洞神至真大神无鞅之衆浮空而至說經七徧西南无極无量品禳災解厄洞神至真大神无鞅之衆浮空而至說經八徧西北无極无量品禳災解厄洞神至真大神无鞅之衆浮空而至說經九徧上方无極无量品禳災解厄洞神至真大神无鞅之衆浮空而至說經十徧下方无極无量品禳災解厄洞神至真大神无鞅之衆浮空而至十徧周竟十方无極禳災解厄天真大神一時同至一國男女傾心歸仰來者如赴淵之流應潮之水渺然无際不見端倪涯无鞅之衆舉國内外或有體用未分因緣爲災智慧不奕法深爲災神氣不合分別爲災道性不明執妄爲災去取空有邪正爲災應著法身認已爲災貪著神通變幻爲災欲出三界生死爲災識悟大道无作爲災測量元化狂瞽爲災不知洞神陰陽爲災出入胎藏凡聖爲災凡此十二大災天人大神至學之災也復有世間之災出胎之時業力所轉橫側爲災童孺之時驚忤爲災壯歲之時運度爲災營辦之時得喪爲

災修舉之時氣候為災起居之時疾病為災
有作之時鬼神為災昧心之時天地為災負
國之時刑戮為災不孝之時雷火為災不戒
之時天禁為災行慢之時天折為災潛毒之
時陰陽為災貪徇之時溢分為災居世之時
偽薄為災凡此十五大災世所罹犯以至身
命喪失五命加臨天星為殃地司執錄三官
上奏五帝注尤此等災厄累繫身心咸赴道
君廣大法席周而圍繞瞻望天顏佇聽玉音
宣示禳災普利大法於是扶桑教主洞神太
上大道君攬日月雲龍之綬轉瑞玉明光之
几俯顧大衆欣矜十方條欵之間分身千億
一切衆生各起生緣及諸境界一一衆生皆
見已身親對聖身長跪受記撫頂訓言演說
扶桑為生氣之根中生洞神之氣為萬類之
精神一切大災存念洞神正真九陽之光无
災不除滌滅厄害於其會中見一道君浮坐
紫雲曲陰扶桑玉章紋葉之下洞神之氣化
為丹林丹林千真冠劍珠列去地五丈洞神
大道君登引樓災解厄洞神天真大神韓司

主錄南宮移度却災順行神君上聖高尊青
華耀寶真人十方无極至真大神无執數衆
俱入神林扶影之內天人仰看惟見勃勃從
洞光中入既入林光不知所在國人廓散碧
壘砥平神林靜然洞神大道君即於化境之
內說經都竟衆真監度以授於我當此之時
喜慶難言法事粗悉諸天復位空洞生神寂
无遺響是時天人遇值經法善得濟度全其
本年无有中傷傾土歸仰災患消穰清靜本
心心既淨正邪道不干星軌凌犯鬼神禍刑
三災四殺五行六宮七傷八難九厄過度災
咎除滅不祥言契中道中无毀非齊同慈愛
異骨成親國安民豐欣樂太平經始出教一
國以道預有至心宗奉崇禮皆得度世
道言洞神大道君說經中所言並是諸天上
帝禳災致福隱韻之音亦是魔王內諱穰消
萬災之隱名也非世之常辭上聖已成真人
通玄究微能悉其章誦之十過諸天降真災
氣沈滅厄禍殲場本命關先生福自然天真
警衛非道无干群仙願頌洞神司鼓節願實分

約寶濛發光世故殄除惡煙飄息回災轉厄
進業成真至學之士誦之十過則列帝同格
衆天退映護世災殃悉令穰解民物安謐生
道永昌毒害消散鬼精喪眼五帝侍迎三界
稟命濟度無死絕而得生所以爾者學士道
德充備鬼神尊仰體洞真極神力周滿誦詠
至經福降災消一切衆生穰脫衆難玄通天
政伏御地祇束縛魔靈不但却死亦能更生
輕誦此章身則被袂供養尊禮門戶興隆世
世昌熾與善因緣萬災不干神明護門斯經
尊妙獨步至京度人无量為萬道之宗龜龜
大範德難可勝
道言凡誦是經十過九天消災散禍諸天大
神齊到穰除厄難暗宿陰曜玄天神首字庚
凶怪將臨命限齋心析懇永斷衰殃數極切
終魂神受度上昇朱宮格皆九年受化更生
得為貴人而好學至經功滿德就皆得神仙
飛昇金闕遊宴玉京也上學之士修誦是經
惠澤滋洋生類蒙福重災厄厄清滂捐釋皆
即受度飛昇南宮世人受誦則延壽長年後

皆得作尸解之道洞神火精鍊骨變仙形神
 隱顯出入自在栖泊福庭逍遙道域即得返
 形遊行太空此經微妙普度无窮一切天人
 莫不受慶无量之福生死蒙惠上天所寶不
 傳下世至士齋金寶效心盟天而傳輕泄漏
 慢殃及九祖長役鬼官侍經五帝玉童玉女
 各二十四人營衛神文保護受經者身
 道言正月長齋誦詠是經解穰上世亡鬼塚
 訟鬼官臨注之災斷滅殃傳夜河之役度上
 南宮七月長齋誦詠是經解穰已身天羅地
 網九橫凶醜天獄刑害之厄身得神仙諸天
 書名黃籙白簡削死上生十月長齋誦詠是
 經解日月劫蝕天地運否邪源扶釐境土國
 界之災人民毒疫傷犯天絕為國王帝主君
 臣父子安鎮國祚保天長存世世不絕常為
 人君安鎮其方字民稱太平八節之日誦詠是
 經解穰氣數遷易交變時節之災口舌罪咎
 禁繫殺傷之厄水火窮衰閉塞之難九宮降
 神下衛其身本命之日誦詠是經解穰北斗
 追召生魂死注坎塞窘辱之災魂神澄正萬

氣長存不經苦惱身有光明三界侍衛五帝
 司迎萬神朝禮名書上天功滿德就飛昇上
 清

道言行道之日皆當香湯沐浴齋戒入室
 東向叩齒三十二通上閉三十二天心拜
 三十二過閉目靜息身坐青黃白三色雲
 氣之中內外翁冥有青龍白虎朱雀玄武
 獅子白鶴羅列左右日月照明洞煥室內
 十方穰災洞神大神儼對前後項生圓象
 光映十方如此分明密呪曰

无上玄元太上道君召出巨身中三五功曹
 左右官使者侍香玉童傳言玉女五帝直符
 直日香官各三十六人關啓所言今日吉慶
 長齋清堂修行至經无量度人願所啓上徹
 徑御

无上三十二天元始上帝至尊九前平
 引炁三十二過東向誦經

元始无量度人上品妙經

元始洞玄靈寶本章洞神穰災妙品天福度
 人百魔隱韻離合自然洞神赤文无无上真
 元始祖劫化生諸天青華木真萬物生根生
 氣流布精液氤氳木之尊神元氣之子氣生
 真水水變生木木含青華之氣為萬物之主
 其青華木精中含明性化而為火火色赤明
 通妙成真自然生神體洞太虛解悟誠明其
 氣長生炎動榮榮名曰洞神洞神至真物得
 生成一切邪殃見之悉寧為道真體災凶邪
 偽莫可禦當地有五金得火見精萬物入火
 變化无方易骨登玄思妙全天理臻又玄如
 世災殃非正之歸洞神乘之萬災折摧洞神
 九陽生福无量得者長存物感未滅神風揮
 激丹霞飄揚屈曲成文三景同光穰災護生
 刻榜瓊堂上通三天无无道鄉下極玉山鬱
 羅混黃中施群類救穰災殃嚙佩神文引吸
 太陽紫烟內凝爍灼輝煌為道之要超升之
 門天真之因化生神靈制運保民皆由洞神
 神氣大梵周迴十方中有穰災回福之神滅

1101A 513

禍延生之君洞神解厄尊神東華度命之君
太皇萬福丈人中有扶桑定命除災之神消
災散禍道德之君禳祈應契无量度人今日
校錄諸天臨軒

東方无極洞神禳災神王長生大聖无量度人
南方无極洞神禳災神王長生大聖无量度人
西方无極洞神禳災神王長生大聖无量度人
北方无極洞神禳災神王長生大聖无量度人
東北无極洞神禳災神王長生大聖无量度人
東南无極洞神禳災神王長生大聖无量度人
西南无極洞神禳災神王長生大聖无量度人
西北无極洞神禳災神王長生大聖无量度人
上方无極洞神禳災神王長生大聖无量度人
下方无極洞神禳災神王長生大聖无量度人
十方洞神禳災神王長生度世无量大神並
乘輿輪回旋燿景之典丹瓊離華蓋珠旛
騶駕龍鳳十絕九光之幢四氣八景明禽之
帳前嘯梵音齊唱後火瓊籟同鳴金鶴丹禽
嘯歌雍雍六甲啓道九老翼轅億乘萬騎浮
空而來傾光回駕監真度生諸天丞相南昌

上官司命司錄禳災散禍延壽益算度厄尊
神執錄把籍齊到帝前隨所應度嚴校諸天
普告三界无極神鄉東曲之府北都羅鄴三
官九府十二河源行災主瘟天大殺鬼冥曹
之神禳免世間生類刑禍衰虛之災改易薄

書勾落災祥使生常存福慶日增疾除罪蒙
落滅惡根不得拘留逼合鬼群道君符命時
刻升遷順剛入斗迴度天關出死入生上見
帝宸制魔倖舉度品南宮魂魄受鍊災消福
應生身受度劫劫長存隨劫輪轉與天齊年
永度三塗五苦八難超凌三界逍遙上清上
清之天天帝玉真无色之境梵行

東方八天
玉曆玄度天 帝真定儀陽
錫納慶租天 帝仇辨嬰常
九氣敬賢天 帝收提耿光
青華利元天 帝孚滿耳敦
韓都九司天 帝旺池奠銘
部同超後天 帝部宗時隆
丹林隱五天 帝備蹤彥松

九色剛種天 帝月支子容

南方八天

燿浮堪寓天 帝景登建生

重光普時天 帝玉微觀靈

洞極丹儀天 帝相奇歸仁

玉基太度天 帝除思步肱

辨阿錄成天 帝感儀聰

玄珠惠疑天 帝考侶馮靈

九陽歷靖天 帝路蚪師陰

章梵元淨天 帝伍丘思全

西方八天

參寂玄隆天 帝大无元

兆津普爽天 帝師度歌延

妙瑜書靈天 帝順師洞陰

金扉皓墟天 帝慈辭願晴

洞惠明妙天 帝根齊疎袞

招真空碧天 帝壙東枝傾

國定慶基天 帝浪敷由夫

皇恩時龍天 帝夢元夷玄

北方八天

道力弘度天 帝學務演直

豫懌玄明天 帝長善珉

助極德契天 帝景章融妃

九素思玄天 帝洞覺輝真

潛耀承光天 帝軸羅用崔

太元崇構天 帝臺淵奔施

結幾宗神天 帝鹿杜冥樞

幽復遼期天 帝月上真

三十二天三十二帝諸天隱諱諸天隱名洞神梵氣自然靈章諸天隱韻洞神之音洞神之尊洞神之神洞神大魔洞神之靈性和神合變化上清无量之奧深不可詳敷落神真普度天人今日欣慶受度禳災去非太上考按宿舍回軒黑道百試血火千殃災及世間鬼謀福怨誣歲巨災歷關諸天請滅五苦勅斬五衰飛步天垣命據九元害氣永滅道君錫年洞神降精想入天門東斗校錄西斗攝靈北斗樓解改易災名南斗符命赤書護身中斗注壽大福總靈青帝保命白帝過殃赤帝度錄黑帝釋懷黃帝督衛福慶煌煌青天

大神使災不生赤天大神呪詛不成白天大神喪害潛形黑天大神清蕩鬼營黃天大神靈圖鎮真內安五賊外集百神靈文玉章元氣之根禍難撲滅光明赫升五天大神萬鬼之君飛行空界總領鬼兵慶懼鼓節遊觀九

真朱幡赫奕紫氣輝騰諸天改度災變福錄

上天度人嚴攝北靈洞神太上普掃災凶八

威攝氣猛馬四攻天下捕鬼大帥縛龍擲火

萬里流鈴八衝敢有干試妄為眾災北帝漂

骨南斗焚骸屠割鬼冥誅斬無借風火浩浩

豁落燒摧千千截骨萬萬剪形魔無千犯鬼

無妖精三官北靈明檢鬼管不得容隱金馬

驛呈普告無窮萬神咸聽三界五帝列言上

清

元洞青華氣結碧霞曲扶神桑紫文雲芽本

神為生之道為春化物之祖洞神之尊洞神

陰火制鍊陽魂人物遇之即成仙真允被世

災邪回所與心能聚真禍散消雲洞神吐氣

不祥如焚生福之源玉京玄山左淨右霞金

液玉泉巍巍九天氣入重玄玄道無色玄下

無淵風澤洞虛玄中有天上下天下無幽無冥無形無影無極無窮溟濛大梵遼廓無光當爾之時孰為述災亦明開圖萬象克諧善集成福積惡成災災福之聲皆心所生道體無形道心無為無形無為福災何媒洞神道

君至慈運悲回災就福護生不遺五篇王字

八威龍文豫章故氣延算速期保制劫運使

天長存梵氣彌羅萬災伏歲元網流演三十

二天輪轉無色周迴十方斗中司命注福除

殃神氣運行三十五分總氣上元八景冥合

氣入玄玄中太皇上帝高真手把混元權

災寶符坐鎮明堂泛景太霞嘯詠洞章金真

朗郁流響太微杖星順度攝制杖氛白烟左

回紫氣右歸化生玉儀千和萬合自然成真

真中有神扶桑碧宮洞神道君萬氣之祖長

生大君首建青霞身御綿紳無英公子白元

尊神太一注筆桃康俯庭執符把錄係命生

根上遊上清出入華房八冥之內細微之中

下鎮人身泥丸絳宮中理五氣混合百神十

轉回靈萬氣齊仙僊道貴生禳片災氣神視

1501.1.10.140

天門卷見皇君授子密語自識天真罪福禁
戒宿命因緣普受關度洞神生身身以道生
上聞諸天諸天之上永滅災因中有空洞誼
歌之三真靈篇辭參高真

第一洞神道君禳災致福天市順度

之音

煌煌磊落 明威八回 下照世間
萬類所歸 順度則吉 逆天見衰
再拜金色 願應禳祈 災害不生
道德巍巍 仙道無休否 鬼道論興衰
何不觀太無 靈妙氣昭瓊 炯炯碧空上
玉闕雲煙飛 仙人挹香風 嬰顏等春回
洞神變青芽 嚙餌光徘徊 庶使扶桑道
鳳章蕩清微 下憫朝生徒 疊疊輪轉間
不知洞神旨 躡躅拘籠樊 騎霄契高靈

偶景東華山

第二洞神道君禳災致福太微空洞
之章

碧光流映 金闕朱軒 燦燦星林
雲網繞天 繁秀貫珠 遲伏見災

留逆殃延 我有赤文 靈圖寶璽
交網合形 禳災赦愆 太上所祕
萬劫一傳 洞神元皇 胃禁下宣
霞章吐麗 丹書寫玄 除世厄尤
延道永年 扶順帝道 億劫無遷

連閣龍居 金光蛻蛻 吐火激波
蕩滌魔冤 與道真一 三界列言
過度八難 氣入自然

第三洞神道君禳災致福紫微伏魔
之歌

圓景蕩蕩 金馬四馳 瓊車空遊
日將月隨 部衛萬神 三官拱儀
世有災敷 水火陵夷 九六終窮
交換坎離 九靈鼓駟 龍驛轉機
兵刀兩暴 殺氣橫波 災惡見象
赤書布施 五帝執筆 四明捕非
扶氣淨蕩 攝德洪深 帝壽萬年
巨民燕願 荒服衍歌 慶喜襲之
我歌洞文 丹輿綠雲 寶傘吹華
神風香芬 紫宸周行 三台屏伸

浩氣臨斗 流鈴鍊真 宸實九色
太素之君

此三真太上洞神道君分化法身遊行太空
禳災萬福之音音參洞章誦之百徧名度南
宮誦之千徧魔王保迎萬徧道備飛昇太空
過度三界位登仙公有聞靈音魔王敬形勅
制地祇侍衛送迎拔出地戶五苦八難七祖
升遷永離鬼官災咎無留命福駢臻是謂無
量普度無窮有祕上天文諸天共所崇世慢
隨地獄禍及七祖翁

道言此二章並是諸天上帝及禳災真王隱
祕之音皆是大梵之言非世上常辭言無韻
麗曲無華宛故謂玄奧難可尋詳上天所寶
祕於玄都紫微上官依玄科四萬劫一傳若
有至人齋金寶質心依舊格告盟十天然後
而付焉

道言夫洞神禳災之法其道至妙自非體玄
究微不能悉知天人之災者運度否終日月
虧盈聖神休否未學疎傳凡有此災同氣皆
當齊心修齋六時行香十徧轉經福德立降

消諸不祥無量之文普度無窮

道言禳解種民之災或數窮命盡禳却不祥者或未學道淺仙品未充運應滅度身經太陰臨過之時同學至人為其行香誦經十過以度屍形如法夫如法者為禳世災不違更禳殺後之災也今既身沒魄逝而尚謂之災者謂水火之獄金錢之獄考掠追召囚閉之災亦魂爽地下之災則於山水間寂之地封土為壇北向祈啓數露五方真文玉書修齋誦經以解魂神運上南昌隨其學功計日而得更生轉輪不惑便得神仙

道言大天地運終星宿錯度日月失昏四時失度陰陽不調國主有災兵革四興疫毒流行九民死傷師友命過皆當修齋行香誦經以五帝赤書五方靈文丹青碧素向方火而

颺之以栢木為簡丹往其意禳解之文投山水間埋著向處及有災之境則洞神大神收攝災氣降致福祥夫齋戒誦經功德甚重上消天災保鎮帝王下禳毒害以度九民生死受賴其福難勝故曰無量普度天人

道言凡有是經能為天地帝主此民行是功德有災之日發心修齋燒香誦經十過皆諸

天記名萬神侍衛右別至人尅得為聖君金闕之臣諸天記人功過毫分無失天中魔王亦保舉爾身得道者乃當洞明至言也

諸天中大梵隱語無量音 道君撰

扶桑洞神大道君禳苗靈書中篇

東方八天

箕鳴玉阜 東井變仙 牛室互交

六氣辯玄 萬拔寶泰 玄躡迷夷

諸羅梵摩 陳裕萬微 誠竺由慈

字盼紛持 角卓護景 月帝陰霏

辜乾擊危 變覺銘儀 仙柳說林

翼原繼微

南方八天

正坤允辨 巴冥混東 紫丘適河

寂真相同 梵度遼普 金極洪壠

肇淨平育 阿彌思蒙 挺洞赤霞

晶晶碧容 桓羅閭啟 率宰營忠

肆碑詩何 竟卓悲春 公建霜緣

哨粵垂雄 鬼澤龍偃 定白松玄

學靈鄙露 支騫走檀

自鬼字叩四句係禳災密文

西方八天

奎婁應仙 旗高步蓮 綽真構攤

景復滋堅 太香玉度 球浪楚傳

牛室事無 實拜然云 神諦梵數

青朗奏矜 龍霧伴就 丹靈淵弘

普載丁琥 驥救揚誠 覽覺桐常

狐兵資興

北方八天

鬱儀結璘 飲聖功傳 朗都究明

道伯攸玄 文宜轉綱 權融靈房

玉邈稽微 天魁延延 畢老墟圩

景窳洞傷 陽復雷捷 越達聿蒼

蘇林奚充 神鳳膚張 寂區環極

道祕奇常

道言此諸天中大梵隱語無量之音舊文字皆廣長一文刻書大帝金宮扶桑青林玉葉雙幹之上上禳天災下禳地禍中安民物神

116 . a . 13-0

風振之洞神發音氣備九有和合萬靈使災
害不干萬真降庭天真皇人昔書其文以為
正音有知其音能齊而誦之者諸天皆建洞
神禳災萬福神王下觀其身書其功勳上奏
諸天萬神朝禮地祇侍門大敷魔王保舉上

真道備冠得遊行三界昇入金門

此音無所不辟無所不禳無所不度無所不
成天真自然之音也故誦之致飛天下觀上
帝遙唱萬神朝禮三界侍軒群杖束首鬼精
自亡琳琅振響十方肅清河海靜默山嶽吞
烟萬靈振伏招集群仙天無氛穢地無杖塵
冥慧洞清大景玄玄也

元始无量度人上品妙經卷之四十四

靈寶无量度人上品妙經卷之四十五

解穰山谷瘴癘品

道言昔於浩舒天中遂碧幽歌大神樂土受
元始度人解穰山谷瘴癘妙品元始天尊當
說是經周迴十過以召十方始當詣座天真

大神上聖高尊妙行真人大小山谷仙官主
宰十方國土列嶽群仙溪谷泉源鬼神令長
直年方域行瘴為癘神官曹屬部隸彼司无
鞅數衆乘空而來從山現出紫輶碧輿飛雲
輝映寶輪羽蓋扶華垂簾流明玉光千色逆
勃朗耀玄虛七日七夜諸天日月星宿樞衡
玉關駐景停輪神風靜默山谷藏雲天鑑鮮
瑩和氣八濤一國地土山川林木緬平一等
无復高下土皆作藥珠含碧溫明之玉无有
異色衆真侍座元始天尊玄坐空浮九靈夜
光萬峰承景瓊臺之上說經一徧諸天大聖
同時稱善是時三萬六千山嶽一時開明說
經二徧玄霜洒空靈芝盤鬱說經三徧祥煙
普覆岩實生香說經四徧世境肅清山雲吐
秀說經五徧龍光照海天寶凝華說經六徧

道炁照蘇群生怡悅說經七徧鬼魔潛伏瘴
癘捐消說經八徧天谷虛玄神煙鬱揚說經
九徧三真俯應妙瑞告玄說經十徧化洽窮
夷天人稱嘆是時一國是男是女莫不傾心
皆受護度咸得長生

道言是時元始天尊說經一徧東方真賢世
界无極國土解穰山谷瘴癘大神无鞅之衆
升空而至說經二徧南方慧觀世界无極國
土解穰山谷瘴癘大神无鞅之衆升空而至
說經三徧西方定仙世界无極國土解穰山
谷瘴癘大神无鞅之衆升空而至說經四徧
北方常善世界无極國土解穰山谷瘴癘大
神无鞅之衆升空而至說經五徧東北明微
世界无極國土解穰山谷瘴癘大神无鞅之
衆升空而至說經六徧東南靈德世界无極
國土解穰山谷瘴癘大神无鞅之衆升空而
至說經七徧西南海靜世界无極國土解穰
山谷瘴癘大神无鞅之衆升空而至說經八
徧西北元皇世界无極國土解穰山谷瘴癘
大神无鞅之衆升空而至說經九徧上方洞